

VENDA Heart Book
Cell phone format

MBILU YA MUTHU



COPYRIGHT

ISBN 0 908367 78 3

E-MAIL: info@angp.co.za

ALL NATIONS GOSPEL PUBLISHERS
Posbus 2191, PRETORIA, 0001, R.S.A.

(A Gospel Literature Mission financed by donations)
(Reg. No. 1961/001798/08)

MBILU YA MUTHU

Thembele ya Mudzimu kana nndu ine
Sathane a luvhiwa khayoy?

Luwalo lwa u thoma lwa Johanisi, ndima
ya 3, ferese dza 4-10.

Bugu hei a si ntswa, ho no fhela
minwaha i no fhira 200 tshee ya kandiswa
shangoni la Furantsi. Yo no vhone shela
mimuya ya vhatu vha zwigidi na zwigidi
ya vha disela mashudu. Yo vha tshivhoni
tshavho tsha muya, tshine vhatu vhothe,
vhanna na vhasadzi, vha kona u vhona
khatsho vhuvhi ha mbilu dzavho, unga vhu
tshi vhonwa nga Mudzimu Ene mune.

Musi u tshi vhala kubugu hoku, u elelwe
uri ndi tshivhoni tsha mbilu yau, tshine u
tshi tshi vhala wa kona u vhona zwine wa
vha zwone iwe mune. Kana u wannada,
kana u Mukhriste, kana mugunei, u do
divhona kha tshinwe tshifanyiso tshine wa
tshi sedza, wa divhona unga u tshi
vhonwa nga Mudzimu Mhaxuli wau. "Muthu
u sedza zwine a zwi vhona nga matoy,
Mune washu u sedza mbilu." (1 Samuele

16:7). Ene u vhona zwine ra vha zwone vhukuma.

Sathane ndi khotsi a vhadzia-u-zwifha vhothe. Ndi ene murangaphanda wa mmbi dza swiswi, na mudzimu wa misi ino mivhi (2 Vhakorinta 4:4). U dikanganyisa uri a nge ndi muruwa wa tshedza uri a kone u xedza vhatu. Maduvha ano hu na vhaapostola vhanzhi vha kholekhole vhane vha dikanganyisa uri vha nge vhaapostola vha Khristo. Na hone a zwi kanukisi, hufha na Sathane ene mune a tshi dikhakhisa a diita muruwa wa tshedza (2 Kor 11:13,14). Sathane a re mudzimu wa misi ino mivhi u swingisa vhatu mafo uri vha kundwe u vhona uri Mudzimu u a vha funa na uri Khristo o fela u vha tshidza (2 Kor 4:4). Vhatshinyi vhothe vhane vha landula Mudzimu ndi mabofu lwa muya, ndi vhafu lwa muya. Vha vhusiwa nga vhuvhi vhu re hone fano fhasi (Vhaefesa 2:1,2). Arali vha sa bonyoloswi uri vha vhone uri vha ndilani ya u lovha, vha do lovha tshothe. Muthu ane a nga ri ha athu tshinya u a difhura. Hone Murwa wa Mudzimu a tshi da ho vha hu u dela u

phusukanya mishumo ya diabolo (1 Johanisi 3:8). “Zwo ralo dītukufhadzeni phanda ha Mudzimu ni landule diabolo, ndi hone a tshi do ni shavha.” (Jakopo 4:7,8).

Musi u tshi khou vhala bugu hei wa sedza zwifanyiso zwayo, u do vhona zwine mbilu yau ya vha zwone. Ndi zwone, tendela luvhone lwa Mudzimu lu u sumbedze zwine mbilu yau ya vha zwone. Tenda vhutshinyi hau, u si hanedze uri vhu hone, ngauri Ipfi la Mudzimu li ri vhudza uri, “arali ra ri a ri khakhi, ndi u difhura, a ro ngo ima ngohoni. Hone arali ri tshi tenda zwe ra tshinya, Mudzimu u a ri hangwela a tanzwa vhuvhi hashu hothe; ha khakhi, zwe a ri fulufhedzisa u a zwi ita... Malofha a Yesu Murwa wawe a ri tanzwa vhutshinyi hothe.” (1 Joh 1:8,9,10).

Vhutshiloni hashu mulangi washu u kona u vha muthihi fhedzi, a ri koni u langiwa nga vhaṅe vhavhili: ndi Mudzimu kana Saṭhane; wa sa langwa nga Mudzimu u vhuswa nga Saṭhane. Arali vhutshilo hau vhu tshi langwa nga vhutshinyi, u songo bonya maṭo wa hanedza wa ri a zwo ngo

ralo, tenda uri u phuli yaho u t̄avhe mukosi uri Mudzimu a u phalale. Ene u d̄o u vhofholola vhopulini, ngauri o rumela Murwa wawe Yesu Khristo shangoni u tshidza vhone vhatshinyi na u kuyekanya Saṭhane a si tsha vha na maanda a u ri vhofha. U tshila u tshi vhonwa nga Mudzimu mukhethwa ane a d̄ivha zwiphiri zwau zwoṭhe, na mihumbulo yoṭhe ye wa dzumbela vhatu, na zwoṭhe zwine wa ita. Ha dzumbelwi tshithu. (Ps 94:9: "Kani we a ni n̄ea n̄devhe ndi dzingandevhe? We a ni fha maṭo ndi bofu kani?")

"Ndi uri Mune washu u sedza lifhasi loṭhe uri avho vhane mbilu dzavho dza dikumedza Ene tshoṭhe a vha tike nga nungo dzawe." (2 Koronika 16:9).

"U dzula o vhea iṭo kha zwoṭhe zwine vhatu vha ita; u vhona hoṭhe hune vha kanda. A hu na swiswi, na u swifhala haḷo, line muitazwivhi a nga dzumbama khaḷo a si vhone nga Mudzimu." (Jobo 34:21,22).

“Hone Ene a si didzumbululele vhone tshothe, ngauri o vha a tshi divha vhatu vhothe zwavhudi.” (Johanisi 2:24).

“Mashudu we a hangwelwa vhutshinyi, we vhukhaki hawe ha fukedzwa. Wa mashudu ndi uyo ane Mune washu a si tsha mu vhalela milandu, a si na vhufhura mbiluni.” (Ps 32:1,2).

Copyright ANGP

1. THALUTSHEDZO YA ZWIFANYISO

TSHIFANYISO TSHA U THOMA



Tshifanyiso tsha u thoma tshi ri sumbedza mbilu ya muthu a songo bebwaho nga huswa, ane a vhuswa nga tsiko yawe na nga nyemulo dzawe mmbi. Ndi tshifanyiso tshone-tshone tsha mbilu ya muthu nga hune Mudzimu a i vhona ngaho. Maṭo awe o tswuka nga waini, unga ri tshi vhala kha Mirero 23:29-33: "A no ṭolou ṭavha mukosi ndi nnyi? A re na tshigomelo ndi nnyi? A na muvhango ndi nnyi? A no ḷa mbilu ndi nnyi? A na philipise ndi nnyi? A na maṭo o tswukaho ndi nnyi? Ndi vhane vha lala vha tshi nwa; ndi vhane vha enda vha tshi thetshela waini yo vangiwo. U songo ṭalela waini yo tswuka, i tshi khou fhufhuma tshinwelon, i tshi tsa zwavhud! I fhedza nga u luma unga ṇowa, i na vhuṭungu vhu no nga ha vuluvulu. Maṭo au a ḍo vhona zwi siho, wa elekanya zwi sa ḍivhalei.

Kha tshifanyiso, fhasi ha ṭhoho, ri vhona mbilu yo ḍala phukha dzo fhambanaho dzine dza fanyisa vhutshinyi ho fhambanaho ho dzulaho mbiluni ya muthu. Mudzimu u ri vhudza nga muporofita wawe Jeremia uri, Ndi nnyi ane a nga ṭalukanya mbilu ya

muthu? I fhura u fhira zwothe, a i lafhei. (Jeremia 17:9).

Yesu nga dzawe o khwaḥisa ilo a tshi ri, Mbiluni ya muthu ndi hone hune ha bva mihumbulo mivhi ine ya ḍisa vhufevhi, na vhufobvu, na vhupondi, na vhupombwe ha tshakha-tshakha, na nyemulo, na vhuvhi hothe, na vhufhura, na vhuvhuḍu, na vivho, na u nyefula vhaṅwe, na u ḍihudza, na hone vhutsilu. Hezwi zwithu zwivhi zwothe zwi bvaho mbiluni ndi zwone zwi kumadzaho. (Markosi 7:21-23).



1. Tshiṅoni tshine tsha pfi phikhokho

Tshi vhone thungo ya tsha monde, ṥhodzini ya nṥha ya forogo ya Saṥhane. Ndi tshiṅoni tsho nakesaho nga mithenga ya mivhalavhala ya mutshila watsho, huno afha tshi fanyisa vhutshinyi ha u ḍihudza.

Sathane, ane nga liiwe dzina a pfi Lucifer (Khohamutsho nga Tshivenda), u rangani o vha e muruwa wa Mudzimu wa tshedza, o thatha vhuimoni hawe nge a dihudza a vhangisa Mudzimu vuhosi hawe, a fhedza a vha ene swina la Mudzimu, a pfi diabolo. (Yesaya 14:9-17; Esekiele 28:12-17).

U dihudza ndi tshivhi tshine tsha tou bva tshivhindini tsha hele. Vhaiwe vhathu vha dihudza nga lupfumo lwavho, vhaiwe nga pfunzo dze vha kona, vhaiwe nga zwiambaro zwavho zwa mateletele kana vhulungu havho kana zwothe zwine vha ditama ngazwo. Nga ri sedze kha Yesaya 3:16-24. Vhaiwe vha dihudza nga lushaka lwavho kana mashaka na makhulukuku, kana nungo na luvhilo. Vhothe avho vha hangwa uri Mudzimu u lwa na vhane vha dihudza, hone vhane vha ditukufhadza u vha itela vhuthu. (1 Pitrosi 5:5). Mudzimu u vhenga zwa u dihudza na i didivha. U dihudza hu tula u fa; u didivha hu tula u wa. (Mirero 16:18).



2. Mmbwa

Mmbwa yone i fanyisa nyemulo dza muvhili na vhuada na vhuṭondo na vhuṭombwe. Vhuvhi uho hu vho ṅanesa maṭuvha ano, lune ra vho humbudzwa maipfi a Yesu e a bula musi a tshee fhanṱo fhasi, a uri misi ya vhuṭhelo i ḁo fana na misi ya Sodoma na Gomora. Vhuvhi uho ho no dzhena ṅuni dza vhanzhi na zwickoloni na dzihostele, ha dovha ha dzhena mbiluni dza vhatu vhanzhi, na avho vha re na vhurabeli, nga zwine vha vhona kha TV na kha dzibaisikopo na dzibugu dzine dza ṭandavhudza vhuada. Zwine Mudzimu a ri zwo vhifha vhatu vha musalauno vha vho ri zwo naka. Hu na vhatu vha dzimilioni vhane vha sa dzhie pfunzo yavho Ipfini ḁa Mudzimu, kha vhavhuya vha no nga sa Josefa we a vha a tshi ofha Mudzimu,

vha vho i dzhia kha dzifilimu na TV, vha ri, "Zwine ra ita zwi itwa nga vhahulwane na vharangaphanda vhothe na nga dziekhetha, zwenezwo ri nga kundwa ngani u zwi ita-vho?" A vho ngo tsha diimisela u kanda vhuṭalani ha vhavhuya, vha vho kanda vhuṭalani ha vhavhi vha sa divhi Mudzimu. Mazulu a kale a vhahedeni na vhone vho vha vha sa kondeleli vhuvhi ha vhpombwe. O tondolaho na mufumakadzi wa muṱwe arali o farwa o vha a tshi vhulawa. Mudzimu u ri ri songo tamba nga vhuada, ri vhu shavhe. U ri, Ilani vhpombwe! Vhutshinyi vhuṱwe hothe vhune muthu a nga ita a vhu kwami muvhili wawe, hone a itaho vhpombwe u khakhela muvhili wawe ene muṱe. Kani a ni zwi divhi uri muvhili waṱu ndi nṱu ya Muya Mukhethwa a re ngomu haṱu we na ṱewa nga Mudzimu, na uri a ni vhaṱu inwi vhaṱe? O ni renga tshothe.

Zwenezwo hulisani Mudzimu nga mivhili yaṱu. (1 Kor 6:1820). Ane a tshinyadza nṱu ya Mudzimu, na ene Mudzimu u do mu tshinyadza, ngauri nṱu ya Mudzimu ndi khethwa. +ivhani-ha uri nṱu yeneyo ndi inwi. (1 Kor 3:17).



3. Nguluvhe

Nguluvhe yone i fanyisa vhudakwa na vhupangwa. Nguluvhe i na tshika, i takalela tshika, i sokou la tshinwe na tshinwe i sa nengwi tshika. Mbilu ya vhanwe vhatshinyi i takalela vhudakwa na zwifanyiso zwi na tshika na mirubo i sa divhalekani nga u ralo. Muvhili wa muthu wo sikelwa u vha nndu khethwa ya Muya Mukhethwa, hone lujo na vhudakwa na fola na mbanzhe na zwidzidzivhadzi ("dzidruggs") zwi dodza thembele iyo tshika sa dza nguluvhe. Nga ri dovhe ri sedze 1 Kor 3:16,17 na 1 Kor 6:18,19 dze ra iwala henefha ntha. Ane a tshinyadza nndu ya Mudzimu, na ene Mudzimu u do mu tshinyadza.

Khusha i nyadzwa nga Mudzimu. A ri tshileli u la, ri lela u tshila. Kha bugu ya Dutoronomio 21:18-21 hu pfi, Arali muthu

e na ñwana a no nyadza vhabebi a sa thetsheseli vha tshi mu laya, e khundavhalai, khotsi awe na mme awe nga vha mu dzhie vha mu ise khoroni ha vhahulwane vha muḁi uyo, vha vhudze vhahulwane vha ri, 'Uyu ñwana washu ndi khundavhalai, u a ri nyadza, ha ri thetsheseli, ndi khusha, ndi tshidakwa.' Zwenezwo vhanna vhoṱhe vha uyo muḁi vha fanela u mu kanda nga matombo vha mu vhulaha. Ndi hone ni tshi ḁo fhelisa vhuvhi uho ha si tsha pfala kha inwi.

Khusha na tshidakwa a vha pfeleli. Zwidakwa na phangwa vha ḁo vha vhashai, vhudakwa vhu ambadza muthu madzanganda. (Mirero 23:21). Bivhili i ri vhudza i sa dzumbi uri tshidakwa a tshi nga dzheni muvhusoni wa Mudzimu. Muthu ó kambiwa u nyefula na zwikhethwa; halwa vhu a zhambisa: u tshi vho pepeleka nga waini wo no vha tsilu. (Mirero 20:1).

Vhane vha rinda halwa kana u vhu rengisa, na vhone a vha ṱambi mulandu. Inwi vhahali - kha u nwa waini, inwi vhomakone - vha u inga halwa vhu kambaho, ni ḁo zwi vhona! (Yesaya 5:22)

Khombo i do u wela ngauri wo nwise dziuwe tshakha khavho yo dalaho vhuhali vhu kambaho, uri u kone u vha vhone. (Habakuku 2:15).

Kani a ni zwi divhi uri vhavhi a vha nga vhi na tshavho muvhusoni wa Mudzimu na kathihi? Ni songo difhura: divhani uri hu dziphombwe, hu vharereleli vha midzimu, hu vha u talana, hu ane a tenda u itwa musadzi nga munna ngae, na onoyo ane a mu ita zwenezwo, hu mafobvu, hu vha funesaho lupfumo, hu zwidakwa, hu vhasasaladzi, he mavemu, vhothe a vha nga vhi na tshavho muvhusoni wa Mudzimu. (1 Kor 6:9,10).

Zwine tsiko ya muthu ya ita zwi khagala: ndi vhpombwe, ndi vhuada, ndi vhudabada, ndi u rerelela midzimu, ndi manditi, ndi vhuswina, ndi dziphambano, ndi vivho, ndi mbiti, ndi tseada, ndi u fhandekana ha bva zwigwada, ndi u vhivhana, ndi u nwa na u jela vhudabada na zwi ngaho zwenezwo. Ndo no di ni vhudza, zwino ndi khou dovha nda ri ni vhone: vhane vha ita zwo raloho

a vha nga vhi na tshavho muvhusoni wa Mudzimu. (Gal 5:19-21).

Ni songo nwa na kambiwa ni sa do ita zwa vhudabadaba; tshanu hu vhe u dala Muya Mukhethwa. (Efesa 5:18).

A re na dora la muya Yesu u mu eletshedza uri, A na dora kha a de kha Nne a nwe. Hafhu Manwalo a ri, 'A fulufhelaho Nne hu do ela milambwana ya madi a tshidzaho a tshi bva khae!' (Johanisi 7:37,38). Nothe no farwaho nga dora idani, madi ngea! Na inwi ni si na tshelede, idani! Idani ni renye mavhele ni le! Ni do wana waini na mukhaha nga fhedzil! (Yes 55:1). Yesu a ri, Muthu ane a nwa haya madi u dovha a pfa dora, hone ane a nwa ane Nne nda mu fha one ha tsha do dovha a pfa dora lini na lini. Ndi uri madi ane nda mu nea a do vha tshisima tshi no gubunyea madi a neaho muthu vhutshilo vhu sa gumi. (Joh 4:14).



4. Tshibode

Tshibode tshi imela vhubva na u teledza na u ongolowa u thetshelesa Mudzimu, na hone vhungome. U sa thetshelesa Mudzimu hu nga vhutshinyi ha u tungula tshangu. (1 Sam 15:23) Zwine mubva a zwi lilela zwi do mu lozwa, hufha zwanda zwawe zwi tshi hana u shuma. +uvha lothe u twa a tshi elekanya zwine a fanela u zwi wana, ngeno a no thetshelesa Mudzimu e mapakulile. (Mirero 21:25,26) Muthu nga tsiko yawe o ongolowesa u ita zwine a vhudzwa nga Mudzimu. Yesu o ri, Lusani nga nungo dzothe uri ni dzhene nga munango musekene... (Luk 13:24) Ane a toda u do wana. (Mat 7:8) Muvhuso wa Mudzimu u khou da nga maanda mahulu, huno vhane vha dzhena khawo ndi vhane vha tou lwisa. (Mat 11:12).

U ongolowa na u sa londa u tshidzwa kana u aluwa muyani hu u isa lufu lu sa gumi. Zwi ri kundisa u rabela na u fhenda zwidziki zwa Mudzimu na u lusa u wana zwe Mudzimu a ri fulufhedzisa. Zwi fhedza zwa ri lozwa tshothe. Musi Mudzimu a tshi amba na iwe a ri u dikumedze Ene zwino, diabolo u ri, "Ndi khwine u zwi ita matshelo, kana musi wo no pfelela midifho wa lino shango." Wa vhuya wa fa hu tshi kha di pfi matshelo, matshelo, wa lovha tshothe u si na Khristo. Mudzimu Ene u ri, Namusi ni tshi pfa Ipfi la Mudzimu ni songo ita tshipimbi sa zwi la ni tshi ntunga... (Heb 3:7,8) Ndi mangana mavhuthu a vhathu vhe vha lovha tshothe nge vha di dzula vha thi ri, "Ri do la la vhuvhi hashu matshelo." Zwa matshelo zwi di hwa nga nnyi?

Tshibode tshi dovha tsha imela zwa vhuiana ha tshihedeni, ngauri khumba yatsho i shumiswa nga nanga dza thangu musi dzi tshi ita zwa manditi adzo na mishonga yadzo. Zwenezwo tshibode tshi fanyisedza zwa u fulufhela manditi na

vhuloi na vhungome vhudzuloni ha u fulufhela Mudzimu a tshilaho.

Bivhili i ri funza uri misi ya u lingiwa na u nyanyavhala na u tambula ri humbele nyeletshedzo kha Mudzimu na kha Iphi lawe. Mudzimu u endedza nayo dza muthu ane a mu takadza... (Ps 37:23). Arali hu na a lwalaho nga a vhidze vhalisa vha tshivhidzo, vha mu dodze nga mapfura a muolivi, vha mu rabelele nga dzina la Mune washu. Thabelo iyo arali vha tshi fulufhela i do tshidza uyo mulwadze, a mu vusa thovhoni. Naho a nga vha o tshinya u do hangwelwa. Zwenezwo arali no khakhelana ni humbelane khangwelo ni konou rabelelana uri ni fhole. Thabelo ya muvhuya i na maanda mahulu, i a shuma. (Jakopo 5:14-16)

Mudzimu o laya Vhaisraele a ri, Na muthihi wanu a songo vha hone ane a nekedza iwana wawe midzimu nga u mu posa muliloni kha alitari dzayo kana a vha nanga ya thanga kana mudziamanditi, kana a tungula kana a ita zwa vhuṭolo kana a lowa kana a tshina malombo kana a vhonisa kha mimuya ya vhafu. Muthu a no ita hezwo u nengisa Mune washu

(Dotoronomio 18:10-12). Ngei nnda ha mudzi hu wanala dzimmbwa na vhaloi na dziphombwe ma dziphondi na vha luvhaho midzimu na vha no funa zwa mazwifhi na zwa vhufhura (Nzumb 22:15).

Ni songo ya u toda nyeletshedzo kha vhoridivha kana vha vhudzisa mimuya ya vho faho. Arali na ita nga u ralo ni do vha no kumala. Ndi Nne Yahavee Mudzimu wanu (Livitiko 19:31). Vhathu vha do ni vhudza uri ni yo wana vhuanzi kha madzomo a midzimu na vhabvumbi, vhane vha ambela ningoni vha nuuna. Matsina vhathu a vha vhudzisi Mudzimu wavho naa? Vhafu vha vhudziselwani zwa vha tshilaho? Inwi tshanu kha hu vhe u humela kha pfunzo ya Mudzimu na vhuanzi yawe. Vha sa tevhedzi zwenezwo a vha tsha do vhona mapfuvhi a tshi tswuka (Yesaya 8:19,20).

Hezwi u tshi khou vhala uku kubuku, Mudzimu u khou amba na iwe a tshi ri u rembuluwe u late vhutshinyi hau u dikumedze Ene, hone muya wa tshibode u re ngomu hau u khou u funzedza nga ndila nnzhi u tshi u tshutshudza u tshi ri, "Vha hanu na dzikhonani vha do ri mini musi

vha tshi vhona wo no vha mutendi vhukuma. Vha do ri mini arali u sa tsha tenda u dzhena navho kha mitambo yavho i sa takadzi Mudzimu?" Wa sala u sa tsha vhona lupfumo lu sa gumi lune Khristo a u xa na mulalo wawe muhulu na dakalo li fhiraho ngelekanyo ya muthu, na vhugala hawe, na vhutshilo vhu sa gumi ho dalaho dakalo fhedzi, wa vho sala u tshi vhona zwithu zwa shango, zwi fhelaho kathihi, zwine wa do pfi u zwi litshe arali wa tanganedza Khristo mbiluni yau, ngeno nyofho ya u ofha vhathu na u ofha lufu ya di u vhofha vhpulini ha u luvha Sathane. Hone vhunga avho vhana vhe vhathu vha xa, na Yesu Ene muxe a vha muthu wa xa unga vhone. A tshi ralo ho vha hu u itela uri diabolo mulangi wa lufu a kulwe nungo nga lufu lwa Yesu. Ngauralo Yesu a vhofholola vhe vha vha vhe dziphuli vhutshilo havho hothe nga u ofha lufu (Heb 2:14,15). Muya wa u ongolowa u pfa u do u dadza tshipimbi lune mbilu yau ya do rindila sa khumba ya tshibode.



5. Nngwe...

Nngwe ndi livhanda la tshitshu. Mbilu ya muthu a si na Yesu i anzela u langiwa nga luvhengo na mbiti na mbilwana na u farana nga mbilu, zwine zwa nga ita uri a fhedze a vhulahe muthu. Naho a tshi nga kha di kanda mbiti dzawe, dzi nga swika hune a sa tsha kona u dilanga. Ndi khwiṅe u tenda uri mbiti u nadzo, wa humbela Yesu uri a u vhofholole vhupulini uho. Bivhili i ri: Litsha mbiti, u furalele u sinyuwa; u songo dinalea, u sa do tshinya (Ps 37:8). Mbiti dzi na tshitshu; u sinyuwa ndi mudalo wa madi, u a kumba; vivho lone li nga kondelwa nga nnyi? (Mirero 27:4). U songo tsvhanya u sinyuwa; mbiti dzi dzula mbiluni ya tsilu (Mufunzi 7:9). Hone zwino zwothe hezwo ni pfi ni zwi late: zwenezwo zwi no nga u

sinyutshelana na mbiti na vhunwa na u semana (Vhakolosa 3:8).

Hu na vhatu vha si na tshivhindi vhane vha dikhwaḥisa nga u nwa mahalwa uri vha kone u dilifhedzela vha sa ofhi, hone Bivhili i ri waini yavho ndi vhuḥungu ha phakhuphaku, ndi vhuḥungu ha tshitemahe tsha vhuhali (Dotor 32:33). Wa mbilu mmbi u difhelwa nga u dilifhedzela, hone mulifhedzi wa vhoṯhe wa mafhelelo ndi Mudzimu. Ene u ri: Funa muniwe unga iwe muniwe (Markosi 12:31), a dovha a ri: Funani maswina anu; rabelelani vha ni tovholaho, ndi hone ni tshi do vha vhana vha Khotsi anu wa tadulu (Mat 5:44). Yesu o ri, arali ri tshi hangwela vho ri khakhelaho, ndi hone na Mudzimu a tshi do ri hangwela-vho vhukhaki hashu (Mat 6:12). Mudzimu u nengwa muya wa u sokou dzula wo sinyalala u tshi khou gungula. Muthu nga dzawe u fuwa nndwa mbiluni yawe, ndi zwine ha toḍea Mudzimu a tshi longa mulalo wawe khayoy.

6. Nowa...

Nowa ndi yone ye ya fhura Efa musi vha tshee tsimuni ya Edeni, ya lutanya vhatu

na Mudzimu. Yo vhona Adamu na Efa vha tshi vhusa lifhasi vhe na vhukonani havhudi na Mudzimu, ya mbo di vha vhivha ya vhona unga vho no i vhangisa vhuimo hayo. Nga u vha vhivha nga u ralo Sathane a mbo di vhamba vhumbulu ha u vha lozwa, a mbo di kona u vha lutanya na Mudzimu. Sa zwenezwo vhavhi na namusi vha kha di vhivha vha re na dakalo na mulalo, a edzisa u vha fheṭa. Vivho li dzwala vhunwa, ha sala vhu tshi tutuwedza a re na vivho uri a vhulahe muñwe. Vivho li lutanya na munna na mufumakadzi wawe. A hu na tshi no sinyusa munna u fhira u pwashelwa muḁi; a tshi lifhedza ha tsha khathutshela... (Mirero 6:34). Na kha bisimusi na kha zwothe zwine ra tangana nazwo vhutshiloni, vivho li nga lutanya vhatu vha sala vha tshi vhengana vha tambudzana. Vhukati ha vhadinda vha Mudzimu na henefho vivho li a vha lutanya. Ri fanela u dzula ngoma madzula-wo-vhambwa uri ri landule vivho ri ḁadzwe lufuno lwa Mudzimu lwe lwa tevhutshelwa mbiluni dzashu nga Muya Mukhethwa we ra newa Ene (Vharoma 5:5).



7. Tshidula...

Tshidula tshi sumbedza vhutshinyi ha tseḁa na u funesa tshelede hune ha vha tshisima tsha vhutshinyi hoḁhe (1 Timoti 6:10). Hu na dziḁwe tshakha dza zwiḁula zwine zwi tshi tangana na ḁemeneme zwa si gume u ḁa zwi vhuye zwi thathabe. Muthu wa tseḁa na ene o ralo, ha pfeleli. U tshilela u ḁiengedzela thundu a vhuya a fa. U ḁo wana lupfumo nga u fhura vhaiwe na u vha shumisa nga tshiḁuhu. Yesu o amba vho raloho musi a tshi ri: Ni songo ḁikuvhanganyela lupfumo fhanofhasi, hune lwa lovha nga tsole na vhulali, mbava dza pwasha dza tswa, ḁikuvhanganyeleni lupfumo ngei ḁadulu hune lu si lovhe nga tsole na vhulali, mbava dzi si pwashe dza tswa. Ndi uri hune lupfumo

Iwau Iwa vha hone, ndi hune mbilu yau ya vha hone (Mat 6:19-21).

Akhani na muṭa wawe vho kandwa nga matombo nge vha funesa lupfumo, vha dzhia zwithu zwe Mudzimu a vha o ri zwi fhisiwe (Joshua 7). Judasi, muṭwe wa Vhafunziwa vha Yesu vha 12, o fheṭa Muṅe wawe nge a funesa tshelede u fhira Yesu, a fhedza a ḍihunga. A si uri tshelede ndi tshivhi yone ine, tshi re tshivhi ndi u tshi funesa, ndi u funesa thundu dza fhanu fhasi, ndi tseḍa.

Hu na dzimilioni dza vhathu vhane vha tambisa tshelede yavho yoṭhe nga u tamba zwa lottery, muṭa wa vhuya wa sala vha si na na zwiliwa, kana vha i tambisa nga u betsha dzibere. Vha itwa nga mini? Vha itwa nga u funesa tshelede, vha sa fushei nga zwe Mudzimu a vha kovhela. Vhanwe nga u vhona zwoṭhe zwo no tshinyala, na lupfumo, lwone lune vha tshilela lwone, lwo no kundwa u wanala, vha vhona hu si na tshine vha nga tshilela fhanu fhasi, vha mbo ḍi ḍifunga. Ane a tshilela Khristo na muvhuso wawe a nga si vhuye a ita hezwo. Vhanwe vha tshilela bvumo ḷa

gereke yavho u fhira u londa bvumo la Yesu, vha ita na u sola vhaiwe vhane vha rangisa Yesu na muvhuso wawe phanda vha sa lwele gereke sa vhone. Johanisi o vhuya a amba na Yesu a ri, "Vhafunzi, ro vhona muthu we a vha a tshi khou pandela thuniwa ya Sathane nga dzina lavho, hone riṅe ra edzisa u mu dzivhisa vhunga e si muṅwe nga riṅe." Yesu a ri, "Ni songo mu dzivhisa; a hu na ane a ri o ita madembe nga dzina langa, a mbo di dovha a nnyefula." (Markosi 9:38). Huiwe Yesu o ri laya a ri: "Ni thanyele u funesa lupfumo. Vhutshilo ha muthu a vhuho kha u anda ha thundu yawe." (Lukasi 12:15). Tshifanyiso tsha Yesu tsha Mupfumi tshi ri: "Ho vha hu na muṅwe muthu wa mupfumi we a vhibvisa mavhele manzhi-manzhi tsimuni yawe. Uyo munna a thoma u divhudzisa a ri, 'Nṅa ndi do tou zwi ita hani ndi si na hune nda nga vhulunga hone mavhele anga?' A fhedza nga u ri, 'Ahaa, ndi do tou thutha madulu anga nda fhaṅa maiwe mahulwane ane nda do vhulungela khao mavhele anga na thundu yanga. Ndi hone ndi tshi do konou amba mbiluni nda ri: U na thundu nnzhi-nnzhi

ine wa do la minwaha na minwaha. Zwino-
ha diawetshela zwau, u le, u nwe wo
takala.' A tshi kha di tou ralo Mudzimu
a vha a tshi amba nae a ri, 'Tsilu ndiwe,
a u zwi divhi uri vhusiku honovhu o u
neaho vhutshilo u do vhu vhila? Zwino iyo
thundu ye wa vha u tshi khou di i
vhulunga u swika zwino i do liwa nga
nnyi?' Zwo ralo na kha muthu ane a
dikhokhela lupfumo lwa shango ngeno a
songo pfuma zwa Mudzimu." (Lukasi 12:16-
21). Ndi zwone zwine nda ri ni songo
tolou la mbilu nga zwine na lila vhutshiloni
hanu na ri ri do lani? ri do ambarani?
Kani vhutshilo a vhu fhiri zwiliwa? Muvhili
a u fhiri zwiambaro kani? Edzonu sedza
mahunguvhu: ha limi, ha na tshine a kana;
ha na zwiatarari na madulu, naho zwo ralo
Mudzimu u di a nea zwiliwa. Zwino inwi a
ni fhiri zwiñoni kule naa? Ndi nnyi wanu
ane nga u la mbilu hawe a nga lapfisa
vhutshilo hawe naho hu nga divha lithihi
zwalo naa? Zwino arali ni tshi tou kundwa
nga izwi zwithu zwiukukuku, ni kha di
vhuya na lelani mbilu nga izwi zwiñwe?
Lavhelesani kualutshela kwa maluvha a
phendephende. Ha shumi, ha koni u diitela

zwiambaro. Hone ndi a ni vhudza ndi ri: Solomoni na madzanga áwe ho ngo vhuya a dítama unga línwe lao. Arali hatsi vhune namusi ha titima mudavhini, matshelo ha vha ho no kudzwa tshivhasoni, Mudzimu a tshi vhu tama nga u rali, inwi a nga kundwa ngani u ni tama? Ni dinwa nga lutendo lutuku! Ni songo dzula ni tshi humbula zwine na fanela u la na u nwa na tolou la mbilu. Hezwo ndi zwithu zwine zwa vhilaelwa nga vhannda; arali e inwi Khotsi anu u a divha uri ni a zwi lila. Tsha khwine lwelani u vhuswa nga Mudzimu, hezwo zwiwe ni do tou ingwa. Asizwo-ha inwi kutambi kwanga, ni songo ofha tshithu, Khotsi anu o diimisela u ni ita malaifa muvhusoni wawe. Rengisani thundu yanu, tshelede ni tonde ngayo vhashai. +itodeleni zwipatshi zwi sa tahali, zwa lupfumo lu sa fheli lwa ngei tadulu; hune ha sa do vhuya ha sendela fobvu kana ha dzhena tshifheti. Hu re na lupfumo lwau ndi hune na mbilu yao ya vha hone. (Lukasi 12:22-34).



8. Saḡhane

Saḡhane ndi khotsi a vhoṡhe vhadzia-u-zwifha. Ndi ene ane a edzisa u kungela vhathu vhuvhini. Yesu o vhudza maswina awe a ri: Inwi ni vhana vha khotsi aṅu diabolo; ni funa u ita zwine khotsi aṅu a tama. Ene o ḡi vha mupondavhathu u bva henengei mathomoni. Ho ngo vhuya a kona u ima kha ngoho; tshawe o ḡi vha mazwifhi. Musi a tshi zwifha u khou tou ita zwo mu fanelaho, ngauri ndi muzwifhi; ndi ene khotsi a mazwifhi. (Johanisi 8:44).

A hu na u zwifha zwiṡuku na u zwifha zwiḡulu, vhuzwifhi ndi vhuzwifhi. Ri nga zwifha nga maipfi, na nga u ṅwala, na nga zwiito, na nga u fhumula. U hoya ndi u zwifha, ngauri ndi u sa amba ngoho. Mudzimu ha koni u zwifha (Titosi 1:2), na Mukhriste a songo zwifha. Arali ri tshi ri

ri vhathihi nae, hone ri tshi di tshila swiswini, ndi mazwifhi fhedzi, ro no bva ngohoni. (1 Joh 1:6). Ngei nnda ha muḁi hone hu wanala dzimmbwa na vhaloi na dziphombwe na dziphondi na vha luvhaho midzimu na vha no funa zwa mazwifhi na zwa vhufhura. (Nzumb 22:15). Hu na zwithu zwiḁanu na tshithihi zwine Muḁe washu a zwi vhenga... zwine zwa mu nengisa: ndi lulimi lwa u zwifha, ... ndi ḁhanzi i si ya ngoho i no amba mazwifhi (Mirero 6:19).



9. Naledzi i re nḁha ha ḁhoho ya Saḁhane Yone i amba luvalo lu re mbiluni ya muthu muḁwe na muḁwe. Afha yo ḁala tshika, i vho takalela vhuvhi, khamusi na u fa lwo no fa nga u dzulela u tshinya nga khole, a lu tsha pfa tshivhi uri ndi

tshivhi. Pfunzo dzenedzo dzi zwalwa nga vhadzia-u-zwifha vha muhoyo, vhe mvalo dzavho dza fhisedzwa luswayo lwa Sathane, kha ri sendele-ha tsini na Mudzimu ri na mbilu dzi si na muhoyo, na fulufhelo lo khwaṭhaho. ... Hufha mbiluni ri tshi pfa ri si na valuvalu, na mivhili yashu yo ṭamba nga maḍi a si na tshika. (1 Timoti 4:1,2; Vhaheberu 10:22).



10. Iṭo ḷa Mudzimu

Ḳi vhona zwoṭhe zwi re mbiluni dzashu, A hu na tsho ḷi dzumbamaho, u ḍivha zwe ra dzumba ngomu-ngomu mbiluni zwi sa ḍihwi nga muthu na zwe a ḍiimisela u zwi ita. Kana ndi vhusiku vhuhulu, kana zwi itwa fhasi-fhasi migodini, Mudzimu u a zwi vhona zwoṭhe. Muya wau ndi ḍo u tinyelafhi? Iwe ndi ḍo u shavhelafhi? Ndá gonya makoleni, u henengei; ndá adza

thovho vhudzulavhafu, ndi wana u henefho. Ndá fhufhela vhubvaḁuvha kana nda yo dzula hune lwanzhe lwa guma, na henengei tshanda tshau tshi ḁo nnyendedza, u ḁo mpfara nga tshanda tshau tsha maanda. Ndá ri, "Swiswi nga ḁi ntibe, tshedza tsho ntangaho tshi vhe vhusiku," matsina na swiswi Iwe u vhona ḁi si swiswi, vhusiku vhu penya unga masiari; hu swiswi, hu tshedza, Iwe u vhona zwi tshi fana. (Ps 139:7-12).



11. Zwidimi zwa mulilo

Zwone zwi sumba lufuno lwa Mudzimu lu tangelaho mbilu mmbi ya mutshinyi ngomu. Ndi zwone, vhutshinyi Mudzimu u a vhu vhenga, hone ene muthu Mudzimu u kha ḁi mu funa, u ḁoda a tshi laḁa vhuvhi hawe a tshile a si lovhe (2 Petrosi 3:9). Zwidimi zwi dovha zwa amba malofha a Yesu, Ene Ngwana ya Mudzimu, o hwalaho vhutshinyi ha shango (Joh 1:29).



12. Muruñwa

Muruñwa u imela Iphi la Mudzimu. Mudzimu u funa u amba na vho fhuriwaho nga Sathane uri a vha rule mihwalo yavho i lemelaho ya vhutshinyi, vha late vhuvhi havho, tshedza tsha Mudzimu na lufuno lwawe zwi dzhene mbiluni dzavho.




13. Liivha li amba Muya Mukhethwa, Ene ane a dzumbulula ngoho ya Mudzimu na uri vhutshinyi ndi mini na uri zwi re zwone ndi zwifhio, na uri Mudzimu u do haṭula shango (Johanisi 15:26). Afha kha tshifanyiso ri mu vhona a tshee nḽa ha mbilu ya muthu, ngauri ha dzuli hune ha kha ḽi vhusa vhutshinyi.

Arali tshifanyiso itshi tshi tshi sumba mbilu yau-vho, zwenezwo u ṭavhele Mudzimu mukosi u mu vulele mbilu yau uri tshedza tsha Ipfi ḽawe tshi i vhonetshele. Fulufhelani Muḽe washu Yesu, ndi hone ni tshi do tshidzwa... (Mishumo 16:31), Mudzimu u a zwi funa, o ri fulufhedzisa uri u do u ḽea mbilu ntswa na mihumbulo miswa Ndi do vha ḽea mbilu nthihi, nda

longa muya muswa khavho. Ndi do
sudzulusa mbilu ya toambo mivhilini yavho,
nda vha nea mbilu ya nama, uri vha
vhulunge milayo yanga, vha thetshesele
ndaela dzanga vha dzi tevhedze. (Esekiele
11:19). Ndi zwenezwo zwine zwa
talutshedzwa kha tshifanyiso tsha vuvhili.

Copyright ANGP

2. TSHIFANYISO TSHA VHUVHILI



Tshifanyiso itshi tshi ri sumbedza mbilu
ya muthu o no thomaho u disola, a vho

thoma u tōda Mudzimu. Muruwa o no imisa banga li re Ipfi la Mudzimu. Ipfi la Mudzimu li a tshila, li a shuma, li na vhuhali vhu fhiraho ha banga la mutsheahothe, li swika hune muhumbulo na muya na zwiendanungo na mwongo zwa tangana, li khethekanya nyemulo na mihumbulo ya mbilu dza vhatu. (Vhaheb 4:12). Ipfi la Mudzimu li humbudza muthu uri malamba a vhatshinyi ndi lufu (Vharoma 6:23) na uri tsha muthu ndi u fa luthihi ha konou vha na khatulo. Vhatshinyi na vha landulaho Mudzimu ho vha fanelaho ndi ishani li dugaho mulilo na tsevhela (Nzumb 21:8).

Muruwa o imaho tshandani tshawe tsha monde o fara dethele la muthu. U itela u ri sumbedza uri lufu ndi ludede, ri enda ro kungela. Muvhili uno washu une ra u funa zwingafhangafha, ra u tonda, ra u ambadza, ra u fusha ra u nakisa ri tshi itela u u nea zwine wa tama, wonoyu muvhili u do vhuya wa fa, wa sina, wa liwa nga mbungu, hu uri muya a u fi, u do vhuya wa rambiwa wa ima phanda ha Khristo uri u hatulwe (2 Kor 5:10).

Afha ri vhona mutshinyi a tshi vho thoma u londa ndaela ya Mudzimu, mbilu yawe a i vulela lufuno lwa Mudzimu. Muya Mukhethwa u vho thoma u vhone tshela mbilu mmbi i re swiswini, tshedza tsha Mudzimu tsha dzhena mbiluni yawe tsha pandela swiswi. Ndi uri Yesu ndi tshedza tsha shango, mu tendele u dzhena mbiluni yau. Yesu o ri, Nne ndi tshedza tsha shango. Ane a vha mufunziwa wanga ha nga tshimbili swiswini, u do vha na tshedza tshi re vhutshilo (Joh 8:12). U nga si vhuye wa kona u laa vhutshinyi nga maanda au kana vhuṭali hau kana ha vhathu. Hu na ndila nthihi fhedzi ya u zwi kona, ndi u vulela Yesu a dzhene mbiluni yau, Ene tshedza, ndi hone swiswi li tshi fanela u shavha. Swiswi li shavha tshithu tshithihi fhedzi, ndi tshedza, huno tshedza a si iwe ndi Yesu fhedzi. Vhusiku nwedzi na naledzi dzi nga ri vhone tshelanyana, hone musi duvha li tshi tsha, hu swiswi, hu mbone dza vhusiku, a dzi tsha vhone, dzo no tuwa. Yesu ndi Ene +uvha la zwine Mudzimu a funa. Muñwe musi o vhuya a dzhena thembeleni Jerusalema a pandela vharengisi vha

zwifuwo na vhatshintshi vha masheleni henefho, a thenukanya madafula avho, a ri, Manwalo a ri, 'Nndu yanga i do pfi nndu ya thabelo,' zwino inwi no no i shandula 'bako la mavemu!' (Matiosi 21:13).

Mbilu yau yo vhumbelwa u vha pfamo ya Mudzimu, Ene u funa u dzula ngomu hayo a i nakisa, a i dadza tshedza na lufuno na dakalo. Yesu ho ngo dela u ri lifhela milandu yashu fhedzi zwa vha zwo fhela, o dovha a dela u ri vhofholola maandani a vhutshinyi. Zwino arali na tou vhofhololwa nga Murwa, ndi hone ni tshi do vha no vhofhololwa vhukuma (Joh 8:36).

3. TSHIFANYISO TSHA VHURARU



Tshifanyiso itshi tshi ri sumbedza mbilu
ya mutshinyi o no shandukaho vhukuma a

lata vhuvhi hawe. U vho vhona vhuhulu na u lemela ha vhutshinyi hawe vhunzhi he a khakhela Mudzimu. U ri u vhona tshifhambano tsha Yesu tshine a sumbedzwa nga muruwa, a pfa mbilu yawe i tshi vhavha lwa u vhavha, u vho disola a pfa vhutungu vhuhulu nga mulandu wa vhuvhi hawe. A ri u vhona lufuno luhulu lwa Mudzimu, mbilu yawe yo omaho i vho noka, i vho vhavha tshothe, zwi hulwane a tshi vho talukanya uri Yesu Khristo Murwa wa Mudzimu o dela u swa muliloni wa mbiti dza Mudzimu vhudzuloni hawe, na u dihwesa thamu yawe. Zwenezwo a shululela Mudzimu mbilu yawe a tshi tou lila, lufuno lwa Mudzimu lwa konou dzhena mbiluni yawe nge a divha uri malofha a Yesu Murwa wawe a ri tanzwa vhutshinyi hothe (1 Joh 1:7). Yawee, Mudzimu, ntsikele mbilu yo tambaho! Ngomu hanga u longe muya muswa u fulufhedzeaho. (Ps 51:10). Huwe Iphi la Mudzimu li ri, Ngoyu ane nda mu takalela: ndi ane a ditukufhadza, wa mbilu ya u disola, ane nda ri u amba a tetemela. (Yesaya 66:2). Muya Mukhethwa a mbo di mu talutshedza maipfi a Yesu uri a amba mini a tshi ri,

Rudzani mbilu nwananga, no hangwelwa vhutshinyi. (Mat 9:2). Hezwi a tshi kha di sedza tshifhambano tsha Yesu a tshi fulufhela uri ndi ene mune we Yesu a mu lifhela henefho, u vho pfa uri o rulwa muhwalo wa vhutshinyi, ngauri Yesu o rungelwa vhutshinyi hashu, o pwashekanyelwa milandu yashu; ro pfumelelwa nge Ene a rwiwa nga thamu, ra fhodzwa nga mbonzhe dzawe. Rothe ro vha ri tshi nga nngu dzo xelaho, muiwe na muiwe o fara yawe ndila, hone Mune washu a mu hwesa milandu yashu rothe (Yesaya 53:5,6).

Mbilu yo no tanzwiwa nga u ralo, i vho langiwa nga Muya Mukhethwa na nga lufuno lwa Mudzimu, a fulufhela Yesu, a vhona uri o no hangwelwa vhutshinyi hawe, a si tsha timatima uri malofha a Yesu Murwa wa Mudzimu a mu tanzwa vhutshinyi hothe (1 Joh 1:7). O no vha na ngoho ya uri ane a fulufhela Yesu ha tsha fa lwa muya, u na vhutshilo vhu sa gumi (Joh 3:16). Onoyo Murwa o ri rengulula nga malofha awe uri ri hangwelwe u khakha hashu (Efesa 1:7). Ndi Mudzimu we a dzula o ri funa ri sa athu mu funa-vho

(1 Joh 4:19), zwenezwo u vho tamesa u luvha Ene. Ha tsha funa shango na zwithu zwaḽo, u vho funa Mudzimu na zwine Mudzimu a funa.

Ndi zwine ra vhona phukha dziḽa dzi no fanyisedza vhutshinyi dzo no bva mbiluni yawe, nangwe Saṯhane a sa funi u sia marubi awe, a tshi kha ḽi sedza murahu a tshi ṽoḽa hune a nga dovha a wana ha u dzhena ngaho. Ndi zwine Muṽe washu Yesu a ri sevha u fhaṽuwa na u rabela, a dovha a ri, ni landule diabolo, ndi hone a tshi ḽo ni shavha (Jakopo 4:7).

4. TSHIFANYISO TSHA VHUNA



4

Thifanyiso itshi tshi fanyisedza mbilu ya Mukhriste o no vhaho na mulalo wo dalaho

na vhutshilo vhu sa gumi nga lufu lwa Mune washu Mutshidzi washu Yesu Khristo, a si tsha zuwa tshithu arali tshi si tshifhambano tsha Mune washu Yesu Khristo. Ndi tshifa o vhambiwa; ha tshee na mushumo na zwa shango; na lone u li vhona sa tshithu tsho vhambwaho (Gal 6:14). Yesu o fa tshifhambanoni uri rine- vho ri fe siani la vhutshinyi ri tshilele u ita zwine Mudzimu a funa. Ene o dihwesa vhutshinyi hashu muvhilini wawe musi a tshi vhambwa kha thanda, uri ri kone u tutshela vhutshinyi ri tshilele vhuvhuya. No fhodzwa nga mbonzhe dzawe (1 Pitrosi 2:24). Ri pfi: inwi tshimbidzwani nga Muya, ndi hone ni sa do ita zwi funwaho nga tsiko yanu ya kale... Muya ndi Ene o ri neaho vhutshilo; kha a vhe Ene-ha ane a ri langa (Gal 5:16,25).

Phuphu ye maswina a Yesu a ri u mu bvula zwiambaro a mu vhofhela khayoyuri vha kone u mu rwa nga nnzi, i vhone afha kha tshifanyiso, khathihi na dzone nnzi. Ro pfumelelwa nge Ene a rwiwa nga thamu, ra fhodzwa nga mbonzhe dzawe. (Yesaya 53:5). Herude na maswole awe vho

kolela Yesu vha mu ambadza khare ya mipfa vha vhea thanda tshandani tshawe tshauḽa, vha mu losha muhoyo vha ri, "Thovhele nga a lalame!" Vha konou mu pfela mare khofheni vha mu dzhiela thanda iḽa vha mu rwa ngayo. Ndi hone vha tshi mu isa tshifhambanoni uri a vhambiwe khatsho (Matiosi 27:27-31).

Hu na vhanzhi vhane vha ḽiita Vhakhriste; vha a rabela, vha ḽa tshilalelo, vha imba khathihi na tshivhidzo, hone naho zwo ralo vha ḽi dovha u vhamba Murwa wa Mudzimu nga vhutshinyi havho (Heb 6:6). A si uri vhoṽhe vhane vha tshi nnyamba vha ri, 'Muṽe washu! Muṽe washu!' vha ḽo dzhena muvhusoni wa Mudzimu, hu ḽo dzhena vhane vha ita zwine Khotsi anga wa ṽadulu a zwi funa (Mat 7:21-27).

Kha tshifanyiso itshi ri dovha ra wana na tshikwama tsha tshelede tsha Judasi tshi re na mangwende a 30 a siliva ye a wana nga u rengisa Muṽe washu Yesu. O vha o itwa nga u funesa tshelede, a vhuya a vhuswa tshoṽhe ngayo.

Luvhone na dzitshaini ndi zwe maswole a shumisa musi vha tshi hwala Yesu vha mu isa dzhele. Madaisi ndi e vha kovhekana zwiambaro zwawe musi o no hatulwa. Vho kovhekana zwiambaro zwanga, lupila lwanga lwone vha lu itela mamvate (Phisalema 22:18). Vho dzhiela Yesu zwothe zwe a vha e nazwo, hone Ene mune vha mu landula vha ri, "A ri funi a tshi vha khosi yashu." Ndi yone nzulele ya vhatu. Vha toda Mudzimu a tshi vha nea mvula na zwiliwa na lupfumo, hone a ri funi a tshi vha Mune washu, vhanzhi vha mu toda uri a vha lamulele musi vhe khomboni fhedzi.

Pfumo lone ndi le vha mu phula lurumbu, ha bva madi na malofha (Joh 19:33-37). Mukukulume u ri humbudza zwe Pitrosi a landula Yesu luraru, hone a sala a tshi lila lu tungufhadzaho (Matiosi 26:69-75). Iwe-ha, nna u tanzilela u sa ofhi uri u wa Yesu, nga zwine wa amba na nga zwine wa ita, kana u na thoni? Yesu Ene o ri, Ane a si ofhe u dibula vhatuni uri ndi wanga, na Nne ndi do bula khoroni ya Khotsi anga wa tadulu uri uyo muthu ndi

wanga. Hone ane a do nndandula nga u ofha vhathu, Nne-vho ndi do mu landula khoroni ya Khotsi anga wa tadulu (Mat 10:32-33).

Linwe le Yesu a amba ndi la u ri, Ane a sa hwale tshifhambano tshawe a ntevhela, ho ngo fanela u vha wanga. Ane a teledza u naledza vhutshilo hawe u a dilozwa; ane a fela Nne ndi ene ane a tshila (Mat 10:38-39). Vha na mashudu ndi avho vhane vhushavhelo havho ha vha Bako li re Ene Yesu Khristo.

Thavhani ya Gogotha
hu pfi: ^awana'nga
ida!

U muxeli; huma-vho.

U mushai; pfuma-vho.

Nthule-ha, ndi awele!

Ndadze, nne ndi edele!

5. TSHIFANYISO TSHA VHUTANU



Tshifanyiso itshi tshi ri sumbedza mbilu yo no tanzwiwaho nga u tshidzwa nga tshilidzi

na khathutshelo ya Mudzimu i si na mugumo. Yo no vha thembele vhukuma ya Mudzimu, hune ha dzula Mudzimu Khotsi na Murwa na Muya Mukhethwa. A thi ri o dzula o ri fulufhedzisa uri, Ane a mpfuna u do tevhedza pfunzo yanga; onoyo, Khotsi anga u do mu funa, huno Ene Khotsi na Nne ri do da khae ra dzula nae (Joh 14:23). Muthu a thetshesaho Mudzimu, Mudzimu u a mu hulisa, a mu shudufhadza, a mu nea vhuhulu nga Yesu Khristo.

Mbilu iyi ndi yo no vhaho thembele vhukuma ya Mudzimu. Vhutshinyi ho no pandelwa. Phukha dziḽa dzi langwaho nga Sathane, ene muḽe wa mazwifhi, ri vho vhona Muya Mukhethwa, Muya wa mafhungongoho, a tshi vho dzula mbiluni iyi. A i tsha dzwala vhuvhi, i vho anwa mitshelo i difhaho, mitshelo ya Muya Mukhethwa. Ndi lufuno na dakalo na mulalo na u sa fhela mbilu na vhulenda na vhuthu na u fulufhedzea na u vuḽa na u difara (Galata 5:22-23). Lo no vha davhi li anwaho mitshelo la mundirivhe vhukuma, Ene Muḽe washu Yesu Khristo. U kona u

anwa yone ngauri u dzula e na vhuthihi na Khristo, maipfi a Khristo ha mu tutsheli (Joh 15:1-10). O lovhedzwa nga Muya Mukhethwa a dadzwa Ene, u vho vha na maanda a u vhulaha nyemulo dza tsiko yawe mmbi ya kale, a dzi kunda (Gal 5:24). Muya Mukhethwa ndi Ene a mu langaho, ha tsha fusha nyemulo dza tsiko ya kale ya muthu (Gal 5:16). Ha tsha tshila nga zwine muthu a vhona nga mafohedzi, u vho tshila nga fulufhelo, ngauri u funa Mudzimu zwi amba u tevhedza ndaela dzawe; nahone ndaela dzawe a dzi konzi, hufha o bebwaho nga Mudzimu a tshi kunda zwa shango. Tshine ra kunda ngatsho ndi lutendo lwashu (1 Joh 5:4). U na ngoho ya uri ndi wa Mudzimu, nahone u dzula o tututshela u vhuya ha Yesu, musi a tshi do vhona Mudzimu nga mafo awe. U tshila a tshi pfa lufuno lwa Mudzimu, lufuno lu sa fi.

Mashudu vha mbilu dzo tambaho: vhane vha do vhona Mudzimu ndi vhenevho (Mat 5:8). Khosi Dafita o vha o pfumesa, a kunda maswina awe othe. Naho zwo ralo o divha uri nndwa tswuku-tswuku ndi ine ya

lwiwa ngomu mbiluni yawe. Nga u t̄alukanya v̄hushai hawe ha mbilu, a rabela a ri, Yawee, Mudzimu, ntsikele mbilu yo t̄ambaho! Ngomu hanga u longe muya muswa u fulufhedzeaho (Ps 51:10). A hu na muthu ane a kona u t̄anzwa mbilu yawe kana a d̄isikela mbilu ntswa, tshawe ndi u d̄isola v̄hukuma, a konou d̄a ha Mudzimu a humbela u tou sikelwa yone. Mudzimu u funa u sika tshithu tshiswa ngomu hau, ha haswi mbilu ya kale, u sika ntswa. U edzisa u haswa malakan̄ana au a kale nga u fulufhedzisa Mudzimu zwine wa sa kone a zwi nga vusulusi mbilu yau ya vho vha v̄hudzulo ho fanelaho Mudzimu. Mudzimu ndi Ene we a ri fulufhedzisa a ri, Ndi d̄o ni handulula nga maḍi o kunaho nda ni t̄anzwa tshika, ndi d̄o ni t̄anzwa tshika dzaḅu dzoṯhe dze na d̄ishata nga midzimu yaḅu yoṯhe ya tshika. Ndi d̄o ni ḅea mbilu ntswa, nda dzhenisa muya muswa ngomu haḅu; ndi d̄o bvisa mbilu ya tombo muvhilini waḅu, nda ni ḅea mbilu ya ḅama. Ndi d̄o dzhenisa Muya wanga ngomu haḅu, nda ita uri ni v̄hulunge milayo yanga, na hulisa ndayo dzanga na dzi tevhedza (Hesekiele 36:25-27). Thestamennde Ntswa

i tanzilela zwa musu vhu porofita uho vhu tshi khunyelela nge ha da Yesu Murwa wa Mudzimu.

Kha tshifanyiso itshi ri dovha ra vhona uḽa muruḽwa a tshi dovha a ri tutu. Vharuḽwa vho sikelwa u linda avho vhane vha hulisa Muḽe washu na u vha lamukisa khomboni (Ps 34:7; 91:11; Dan 6:22; Mat 2:13; 13:39; 18:10; Mishumo 5:19; 12:7-10).

Diabolo na ene u vhonala kha tshifanyiso itshi. O ima tsini ha nḽu a tshi ṽoda tshivhana tsha u sera ngatsho a dzhena nḽu yawe ya kale. Ndi zwine Mudzimu a ri sevha a ri, Fhatuwani ni dzule no linda; swina ḽanu diabolo ḽi khou mona-mona sa ndau i vhombaho, u ṽoda ane a nga mu zhoti (1 Pitrosi 5:8). Kanzhi u dikanganyisa a nge muruḽwa wa tshedza a tshi edzisa u unga vhana vha Mudzimu vha si na nzhele nga nyemulo dza shango ḽino, a tshi edzisa u khakhisa na vhanangiwa vha Mudzimu. Hone arali ri tshi imedzana nae u ḽo ri shavha (Jakopo 4:7).



Tshifanyiso itshi tshi lilisaho ndi mbilu ya
a khou guneaho. U vho thoma u fara

khofhe, ito lithihi li khou bonya, linwe ngeno li tshi khou sedza-sedza thungo dzothe li sa tati li si na thoni, lo no hangwa Yesu, li vho takalela u vhona zwivhi u fhira Ene. A li tsha penya, vhunga tshedza tshi tshi khou di dzima tshi tshi ya nga ngomu. Zwifanyiso zwa Tshikhriste zwe zwa vha zwi tshi sumbedza u tambula na Khristo, zwo no wa. U vho thoma u kundwa nga zwi mu ungelaho vhuvhini. A nga kha di ya thabeloni, hone u vho pfesesa ipfi la Sathane u fhira la Mudzimu. U kha di dzumba nyemulo dzawe nga u edza maitela a vharabeli, hone lufuno lwawe lwo dzima, a si vhukuma, ndi lwa khole. O no vha muluvhahotho, maputu a do tuwa a tshi fhela.

Naledzi i re mbiluni yawe ndi luvalo, lu vho thoma u dzimavho. Tshifhambano tshine a fanela u hwala tshi vho mu netisa, ndi muhwalo u mu dinaho. Lutendo lwawe lu vho thoma u tseka, a vho teledza u rabela, mbilu yawe i tshi thoma u takadzwa nga zwivhi a zwi mu dini. Sathane o mu lindela, u vho fulufhela u

kunda, ngauri u khou vhona muthu uyo a tshi vho takalela u konana na vhatshinyi u fhira u konana na vhathu vha Mudzimu.

Phikhokho, tshila tshinoni tshi no fanyisedza u ḍihudza, tshi vho thoma u vhona hune tsha nga dzhena mbiluni yawe. A nga vha o no hangwa uri a tshi rembuluwa tsho vha tshi tshilidzi fhedzi tsha Mudzimu, u vho thoma u vha Mukhriste wa u ḍihudza. U vho dovha u tama zwi kambaho. Musi khonani dzawe dzi si vhatendi dzi tshi khou nwa, u shona u sa vha edzisa, ha funi u pfi u a ofha, a ri u sokou swuranyana a zwi dini. U vho takalela mirubo mivhi, mihumbulo yawe ndi zwa tshika, u vho dovha a sedza zwifanyiso zwa vhasadzi vha songo ambaraho, a tenda diabolo a tshi mu funzedza uri a zwo ngo khakhea, hufha i tsiko ya muthu.

Mutendi ha kundwi u humbula-vho zwi si zwone, hone ha zwi kuvhatedzi, u a zwi pandela musi zwi tshi kha ḍi tou thoma u dzhena mbiluni. A ri koni u dzivhisa zwiṅoni u fhufha n̄tha ha t̄hoho dzashu, hone a ri zwi tendeli u fhaṭa zwiṭaha

mavhudzini ashu zwa kudzela zwa alamela ha vhuya ha thothonya mafhondo a nengisaho a zwivhi - hezwo a ri zwi tendi. Ngavhe ri nkedze diabolo munwe muthihi, a nga si kundwe u fara tshanda tshothe a edzisa u ri hohela heleni khathihi nae. Zwenezwo Mudzimu u ri sevha a tou khwathisa uri ri shavhe milingo ya dzinyemulo ri si tambe nga vhutshinyi; ri shavhele ha Yesu, ndi Ene Mulweli washu na Mutsireledzi.

Kha tshifanyiso hu vhonala munna ane a khou thavha mbilu nga banga. Ndi avho vhane vha lwa na lutendo vha goda Vhakhriste, huno muthu a na mbilu mmibili a nga si imedzana na swina lo raloho. Hu si kale u vho do ofha vhathu u fhira Mudzimu, huno nga u ofha vhathu u vho vha phuli ya vhathu a sa tsha vha mulanda wa Mudzimu. A tshi vho tangana na milingo, zwi a mu sinyusa, mbiti dza dzhena mbiluni yawe dza vhaisa Muya Mukhethwa. Nnowa i re kha tshifanyiso i imela vivho, li mbo di dzhena mbiluni yawe nga u nenga ene mune a sa zwi

vhoni, a thoma u vhivha vhaiwe a vha fara nga mbilu a vha vhenga a d̄ihudza.

U funesa tshelede na hone a zwi hu kondeli u dzhena mbiluni dzashu arali ri sa tevhedzi ndaela dza Mune washu Yesu a tshi ri sevha a tshi ri, Fhatuwani ni rabele uri ni si ungwe (Mat 26:41). A dovha a ri, Ane a ri ndo ima a vhone a sa do wa (1 Kor 10:12). Ri fanela u kungela mafumo othe ane ra newa nga Mudzimu, uri ri kone u imedzana na vhukwila ha diabolo ri mu kunde (Efesa 6:11-18).

Copyright ANG?



Tshifanyiso itshi tshi ri sumbedza mbilu ya muthu o guneaho. O vhuya a dzhena tshedzani tsha Mudzimu a thetshela mudifho wa tshifhiwa tsha Mudzimu, a tangedza-vho Muya Mukhethwa, a sala a tshi gunea (Vhaheberu 6:4). Tsha dovha tsha ri sumbedza mbilu ya muthu we a sa vhuye a tangedza Mudzimu, nangwe mafhungo madifha o a pfa. Muthu ane a landula Ipfi la Mudzimu u do di nana a tshi ya, mbilu yawe ya di oma i tshi ya. Nangwe a edzisa u dishandukisa zwi do mu kunda. Yesu nga dzawe o ri fanyisedzela zwine mbilu ya mugunei ya vha zwone. O ri, Thuwa ya Sathane arali i tshi bva muthuni, i budekanya masoga i tshi toda ha u awela hone. Musi yo kundwa i a amba ya ri, 'Ndi do vhuelela nduni yanga ine nda bva khayol!' I tshi swika i wana uyo muthu a tshi tou nga sa ndu yo swielwaho, ya thundu dzo vhekanywaho zwavhudi. Zwenezwo i mbo yo dzhia dziwe thuwa thanu na mbili dza vhuhali u fhira yone; dza da dza dzhena kha uyo muthu dza dzula khae, mafhungo a vho vhifha u fhira zwi la mulovha (Luk 11:24-26). Pitrosi na ene o iwala a ri, O raloho murero a

u mu zwifheleli u tshi ri, "Mmbwa i la na matanza ayo," muñwe wa ri, "Nguluvhe i ri yo tanzwiwa ya dovha ya vhumbuluwa matopeni." (2 Pit 2:22).

Ferese idzo dzi talutshedza zwavhudi vhuḁi zwine mbilu ya mugunei ya vha zwone, na ya a landulaho Yesu. Vhutshinyi ho vhuelele mbiluni ya uyo muthu, khathihi na vhufhura haho hothe; vhu vho langa mbilu yawe. Tshifhatuwo tshawe na tshone tshi sumbedza zwi re mbiluni yawe; tshi sumbedza u la hawe mbilu. Muya Mukhethwa, Ene o vudaho sa liivha, u vho pandelwa mbiluni iyo, ngauri ha dzuli huthihi na vhuvhi. Mbilu yau a i koni u vha thembele ya Mudzimu ya dovha ya vha tshitumba tsha Sathane. Muruñwa, a re Ipfi la Mudzimu, o no tungufhala, ngauri u vho pfi a tuwe mbiluni; u kha di ita a tshi sedza murahu uri a vhone arali khamusi a sa nga tendelwi u vhuelela khayoy. U kha di tama uri mbilu ila i dipfe sa a wana wa likholwa a tshi vho lisa nguluvhe, a disole. Hu pfi, A tama na u tou la zwawe mbeu dza miri dzi liwaho nga nguluvhe, huno na dzone a si fhiwe.

Ndi hone a tshi vho dzivhuluwa, a ambela mbiluni a ri, 'Vhashumi vha khotsi anga vha na zwiḽiwa zwinzhi zwine vha ḽa vha ita na u laḽa, nḽe fhanu ndi tshi khou fa nga ndala! Ndi tou ndo tuwa zwino nda ya ha khotsi anga nda swika nda ri: Muḽe wanga, ndo khakhela Waḽuḽulu na vhone; a tho ngo tsha fanela na u tou pfi ḽwana wavho; ndi khou hambela uri vha tou ntanganedza zwanga ndi vhe muḽwe wa vhashumi vhavho.' Ndi hone a tshi mbo ḽi takuwa a ya ha khotsi awe.

Khotsi awe vha mu vhona a tshee kule. Mbilu ya mukalaha ya khathuwa, a mbo ḽi gidima a swika a mu kuvhatedza. (Luk 15:16-20).

Mbilu kha tshifanyiso itshi a tshi vhui tsha sumbedza u ḽisola kana u rembuluwa kana u hambela khangwelo milenzheni ya Yesu. Luvalo lwa munna uyo lu nga lwo no vhavhiwa nga tsimbi yo tswukaho nga mulilo. A lu tsha shuma. U na ndevhe, hone ha pfi ipfi ḽa Yesu ḽine ḽa mu kwengweledza; u na maḽo, hone ha vhoni luwa lwa dindi henefho milenzheni yawe; ha tshee na ḽhoni, u tshinya a sa shoni.

Mbiluni yawe hu vho dzula Sathani kha khuluxoni ya vuhosi. Khamusi a nga kha xi zuwa a ri u muthu-muthu, a tshi kha xi xiita mutendi, sa tombo la tshalo lo galagwaho, hone ngomu tshaloni ho dala marambo a vhafu na zwitumbu zwavho (Mat 23:27).

He ha vha ho fanela u dzula Muya wa mafhungongoho hu vho dzula Ramazwifhi. Phukha iuwe na iuwe (ndi u ri vhutshinyi vhuuwe na vhuuwe) i na dimoni layo line la dzula mbiluni iyo. Naho a tshi nga tama u vunda gedane dza madimoni ayo, ha zwi koni, u dzula o vhoxwa. Arali muthu a pfuka Mulayo wa Mushe hu na thanzi mbili kana tharu, tshawe ndi u vhulawa, ha khathutshelwi. Zwino muthu ane a nyadza Murwa wa Mudzimu, a nyefula malofha a khwathisaho mulanga e a mu ita mukhethwa, a nyefula Muya ane ra wana ngae tshilidzi tsha Mudzimu, onoyo u do rwiwa nga thamu nngafhani? (Heb 10:28,29; 2 Pit 2:1-14).

Khonani yanga i funiwaho, arali tshifanyiso itshi tshi tshi fanyisedza mbilu yau-vho, zwenezwo tavhani mukosi u humbele Mudzimu

nga mbilu yothe uri a u phalale. U kona u tshidza tshothe vhane vha tshi da ha Mudzimu vha da ngae: u dzula e hone a tshi vha pfumelela (Heb 7:25). Arali wa da khae wo disola vhukuma, u kona u u hangwela vhutshimyi hau hothe, nahone u a zwi funa. U na maanda a u vhofha diabolo na thuniwa dzawe dzothe, a dzi pandela mbiluni yau dza shavha, tenda wa zwi tama vhukuma. Ida ha Yesu sa ula munna wa mapele we a da ha Yesu a ri, Mune wanga, hufha vhe na maanda a u mphodza; a thi fhodzwi-vho? Yesu a mu pfela vhuṅgu, a isa tshanda tshawe a mu kwama a ri, "Na zwino, fholani zwanu." (Markosi 1:40,41). Hone arali wa di dzula u tshi ita tshipimbi, wa funa swiswi u fhira tshedza, a hu tshee na tshine wa nga fulufhela, tshau ndi u tovhowa, ngauri wo dikhethela swiswi wa landula tshedza.




Afha ri dovha u vhona mutshinyi wa tshipimbi we a ɔi ri "Ndi ɔo laɔa vhuvhi

hanga matshelo.” Hu tshi vho sendela tshifhinga tsha lufu, khamusi muvhili wawe u vho pfa u vhavha ha vhulwadze, mbilu yawe yo no dala nyofho ya o ofha lufu. Lufu lu fanyisedzwa nga marambo a tshitumbu tsha muthu, lwo swika musi muvhi lu songo lindelwa. Midifho i sa fushi ya vhutshinyi yo no tuwa, o no livhana na zwi ofhisaho zwa lufu lu sa tinyei. Mathupho a ofhisaho a hele u vho a vhona, o no bvela khagala. Ndi hone a tshi vho tama u rabela, hone zwa kunda, ngauri o landula kale lufuno lwa Mudzimu, tshawe zwino ndi thamu. Ndi hone a tshi vho tenda uri u wela zwandani zwa Mudzimu a tshilaho zwi a ofhisa (Heb 9:27). O vha a tshi fulufhela uri a nga kha di dikumedza Mudzimu musi a tshi vhona tshifhinga tshi tshi tenda, kana musi a tshi do tuwa a tshi lovha, hone zwino tshifhinga tsho ro fhela. Nahone vhathu vhanzhi-vhanzhi vha lovha vha songo humbula, vha songo wana tshifhinga tsha u laa vhuvhi havho, zwenezwo tshine tsha todea ndi u rembulutshela ha Mudzimu musi e tsini, a tshi kha di wanala. Muthu uyu a khou lovhaho ha tsha pfa maipfi a

Mudzimu a takadzaho a u tshidzwa, u vho pfa maipfi a khatulo fhedzi, hu tshi pfi, Ntutsheleni inwi no teketelwaho nga Mudzimu ni ye muliloni wo vhaselwaho diabolo na vharuwa vhawe (Mat 25:41), ngauri hu pfi, Tsha muthu ndi u fa luthi ha konou vha na khatulo (Heb 9:27).

Copyright ANGP



Tshifanyiso itshi tshi fanyisedza Mukhriste
we a dzula o fulufhedzea, a kunda a tshi

lingiwa, lutendo lwawe lwa si tseke. Nangwe a tshi lingiwa thungo dzothe ha tseki, a di farelela Yesu Khristo, Yesu a mu nea gundo. Ho ngo huma mbambeni ya lutendo, o kondelela a vhuya a thaphudza o kudze zwithithisi zwothe kule, na vhutshinyi, ngauri vhu a ri piringedza, a tou oma kha mbambe ine a vha khayo, o tou sedza henengei phanda kha Yesu, Ene we a ri zhakela ndila ya lutendo a dovha a vha Ene ane a ri swikisa he lwa livha hone (Heb 12:1,2).

Sathane na thuniwa dzawe dzothe dzo tangela Mukhriste ngomu dzi tshi edzisa u mu xedza. Ri dovha ra vhona na hone u dihudza na u funesa tshelede na vhuada. Vhudzuloni ha nngwe ri vho vhona dongi, ngauri vhutshinyi vhu ita vhu tshi dikanganyisa nga maiwe madzina kana nga tshinwe tshivhumbeo, hone Mukhriste o fhatuwaho ha fhurwi, u divha uri vhutshinyi vhu tshee vhutshinyi naho vhu tshi nga pfi lutendo kana vhu tshi diita muruwa wa tshedza, ngauri u eletshedzwa nga Muya Mukhethwa na nga Iphi la Mudzimu.

Hu na munna ane a khou tshina u mona na Mukhriste uri a mu ungele kha midifho ya shango ine ya nga mu fhura, hone ha i takaleli, ngauri muthu wawe mulala o no fa na Khristo ha vha u fela zwivhi zwa shango. Ha vha na muiwe munna wa vhuvhili ane a khou mu thavha nga banga. Zwi amba u mu sema na u mu goda na u mu sola na u mu zwifhelela na u mu shushedza. Ndi zwine vha si vhatendi khathihi na vhatendi vha u hoya vha di thavha mbilu yawe ngazwo, hone ene ha zwi londi, ha thetshesesi zwine vhathu vha amba, u pfa zwi ambiwaho nga Mudzimu fhedzi. U humbula maipfi a Yesu a u ri, Ni na mashudu arali vhathu vha tshi ni sema, vha tshi ni tovhola, vha tshi ni pomoka vhuvhi hothe nge na vha vhanga. Takalani ni pembele, ngauri ngei tadulu ni do wana pfufho khulu (Mat 5:11,12).

Tsiko yashu mmbi ya kale khathihi na diabolo ndi maswina ashu ane a di dzula a tshi lingedza u ri fhandekanya na lufuno lwa Mudzimu. Naho zwo ralo ri nga amba ri na fulufhelo ro takala ra ri, Ndi nnyi-ha ane a nga ri fhandekanya na lufuno

Iwa Khristo? Kani a nga vha vhuleme, kana u tambula, kana u tovholwa, kana ndala, kana tsiku, kana khombo, kana pfumo naa? Naho zwo ralo hezwo zwothe ro zwi kunda tshothe nga we a ri funa (Rom 8:35,37). Mukhriste uyu o kungela mafumo othe a Mudzimu, ndi zwine a kona u imedzana na diabololo musi a tshi tshothenelwa nga, a fhedza a ima o khwaṭha nga Yesu Khristo, we na Ene a kunda milingo yothe ya Sathane. Nga maanda a Yesu Mukhriste uyu u do di kunda a fhedza a wana tshiala tsha vhugala tshine tsha do di dzula tshi tshi penya (Efes 6:10-18; 1 Petrosi 5:4).

NALEDZI i re luvalo lwawe lu khou penya. Mbilu yawe yo dala lutendo na Muya Mukhethwa. Muruṅwa ane a imela Ipfi la Mudzimu u mu humbudza mashudushudu a vhane vha kunda vha kondelela u swika vhufheloni. 'Ane a kunda ndi do mu tendela u la muri wa vhutshilo u re Pharadisoni ya Mudzimu.' ... 'Ane a kunda, lufu lwa vhuvhili lwone a lu nga mu iti tshithu.' ... 'Ane a kunda ndi do mu tusela mana ye nda dzumba, nda mu fha na

tombo litshena lo nwalwaho dzina liswa li sa dihiwi nga muthu arali e si onoyo fhedzi we nda mu nea.' ... 'Ane a kunda, a si litshe u ita zwine Nne nda funa, a vhuya a khunyeledza, onoyo ndi do ri a vhuse dzitshakha.' ... 'U do vha lisa nga ludo lwa vuhosi, a vha pwashekanya sa khali.' ... 'Ane a do kunda ndwani iyo u do ambadzwa nguvho dzenedzo tshena. Athi nga vhuyi nda thutha dzina lawe buguni ya vha tshilaho. Ndi do tou bula phanda ha Khotsi anga na vharuwa nda ri hoyu ndi wanga.' ... 'Ane a kunda ndi do mu ita phuphu nduni ya Mudzimu wanga, ha tsha do dovha a bva khayoy, u do dzula henefho. Ndi do iwala dzina la Mudzimu wanga khae, khathihi na dzina la mudzi wa Mudzimu wanga, wone Jerusalema muswa u bvaho ha Mudzimu wanga ngei tadulu, nda iwala na dzina langa liswa khae.' ... 'Ane a kunda u do dzula na Nne kha khulunoni yanga ra vhusa rothe, unga na Nne ndo ri u kunda nda yo dzula na Khotsi anga kha khulunoni yawe ra vhusa rothe.' (Nzum 2:7,11,17,26; 3:5,12,21).

SAGA YA TSHELEDE yo vulwaho i sumbedza uri a si mbilu yawe fhedzi i re ya Mudzimu, na lupfumo lwawe ndi lwa Mune wawe. Ha tambisi tshelede, u tou farisa vhashai, a bvisa tsha fumi, zwothe a tshi zwi shumisela u hulisa Mudzimu.

MUKONDE WA VHUROTHO NA KHOVHE zwi amba uri u tshila a tshi difara, a tshi ila vhuada. Ha ditshinyi nga mahalwa na nga zwiliwa zwi re na tshika (Mishumo 15:20). Ha tshinyadzi muvhili wawe nga u daha fola kana nga u shumisa zwidzidzivhadzi (dzidrugs), tshawe ndi u la zwiliwa zwi si na tshika fhedzi zwi fhataho muvhili. Mbilu yawe yo vha ndu ya thabelo. Ha fhidzi u ya thabeloni, u dzhena thabelo nga khuliso, kana hu na phepho kana mvula i tshi khou na. Ha takaleli zwone u rabela e ethe e na Mudzimu fhedzi kana e na vhatendi ngae, nga u divha uri Mukhriste ha koni u aluwa lutendoni a sa dzuli a tshi amba na Mudzimu.

BUGU YO VULEAHO i sumbedza uri Bivhili yawe a si bugu yo shatelwaho, u a i vhalala na u sedzesa zwine ya amba misi

yothe, ya mu vhone shela na u mu khwathisa na u mu talifhisa. U wana lupfumo lu si na vhukono khayo. Ndi luvhone lwawe lune lwa vhone shela ndila yawe, ndi pfumo line a kunda diabolo ngalo. Ndi swiwa zwawe zwa muya, ndi madi ane a dzimula dora lawe, ndi sambelo line a tanzwa mbilu yawe, ndi luvhone lune a vhone khalwo zwine a vha zwone.

U takalela u hwala tshifhambano tshawe, nga u divha uri a si na tshifhambano, na pfufho ha newi. U divha uri o fa na Khristo a dovha a vuwa nae uri a tshile vhutshilo vhuswa. U livhisa mbilu yawe kha zwi re tadulu, hu si zwa fhanano fhasi (Kolosa 3:1-2). O diimisela u tangana na Mudzimu; u fana na muri wo tavhiwaho milongani ya madi, u anwaho mitshelo nga tshifhinga tsho fanelaho (Ps 1:3). U fana na davhi lo enndiwaho kha Khristo, li anwaho mitshelo minzhi. Ha ofhi lufu, ngauri o newa lufuno lwo khunyelelaho lwa Mudzimu nga Muya Mukhethwa we a shululelwa mbiluni yawe.



Yesu o ri, U vuwa ha vhafu ndi Nḡe;
vhutshilo ndi Nḡe. Ane a fulufhela Nḡe,

naho a fa, u do tshila; huno ane a tshila a tshi mpfulufhela ha nga fi (Joh 11:25,26). A dovha a ri, Zwino ipfani-ha: ane a thetshelisa maipfi anga, a tenda zwa we a nthuma, u na vhutshilo vhu sa gumi. Onoyo ha tsha haṭulwa, o bva lufuni a pfukela vhutshiloni (Joh 5:24). Mutendi vhukuma lufu a lu tsha mu ofhisa. Lufu lwo fa, gundo lo khunyelela! "Lufu-wee, gundo lau li ngafhi-ha? Iwe lufu, luvholela lwau lu ngafhi zwino?" Luvholela lwa lufu ndi vhutshinyi; vhutshinyi-vho vhu wana maanda kha Mulayo. Kha ri livhuhe Mudzimu we a ita uri ri kunde nga Muṅe washu Yesu Khristo (1 Korint 15:54-57).

Muthu a tshilaho e na vhukonani na Mudzimu ha ofhi lufu, ngauri vhukonani hanga na Mudzimu a vhu tsha kaṭudzwa naho hu nga lufu lwone luṅe. Yesu o ri, Mudzimu a si Mudzimu wa vhafu, ndi wa vha tshilaho. Wa vha na vhukonani nae a vhu tsha guma lini na lini. Ndi zwine Paulo a ri, ndi vho tou tama u pfuluwa fhano nda vha na Khristo; hezwo ndi zwone zwine nda vhona zwi khwiṅe nga maanda (Filip 1:23).

Mukhriste o t̄lutshela u vhona tshifhat̄uwo tsha Yesu, Ene we a mu fela a lifha milandu yashu nga lufu lwawe tshifhambanoni. Muya Mukhethwa Ene u dzula a tshi ri humbudza maipfi a Yesu, a no nga sa haya: Ni songo ɿa mbilu; fulufhelani Mudzimu, ni fulufhele na N̄e. N̄uni ya Khotsi anga hu na vhudzulo vhunzhi... Huno zwino ndi khou ya hone u ni lugisela vhudzulo. Zwino musi ndo no ni lugisela vhudzulo ndi ɿo ɿa nda ni dzhia ra yo dzula rothe. (Joh 14:1-4). Vhugala ha musi ri na Mudzimu vhu ambiwa ha pfi, Zwe Mudzimu a lugisela vha mu funaho a hu na ito ɿe ɿa vhuya ɿa zwi vhona, a hu na ndevhe ye ya vhuya ya zwi pfa, a hu na we a vhuya a zwi elekanya (1 Korint 2:9). Henefho Paulo u t̄lutshedza vhugala ha zwe Mudzimu a ri itela fhanu fhasi nga u ɿa ha Khristo, zwino zwa t̄adulu zwi ɿo vha zwingafhani? A hu na luambo fhanu fhasi lune lwa nga bula vhugala ha zwe Yesu a ri lugisela ngei t̄adulu.

Kha tshifanyiso itshi tsha u fhedzisela a hu tsha vhonala marambo a mufu, hu vho

vhonala muruwa wa Mudzimu. O lindela muya wa Mukhriste uyo uri a u hwale a u ise ha Mudzimu, ngauri ndi hone muya wa mufu u tshi do vhofholowa wa gonya wa dzhena nga khoro dzo a tamaho dza tadulu, hune a do tangedzwa nga dakalo nga Mune washu. Hu do pfi, 'A u vhoniha mushumi wanga wavhudi a fulufhedzeaho! Vhunga wo fulufhedzea kha hezwi zwi tuku ndi do u kumedza na zwiwe zwi hulwane. Ida ri takale rothe!' (Mat 25:21). Sathane ha tsha kona u mu ita tshithu, ngauri ri pfa hu tshi pfi, Musi uyo muthu wa mushai a tshi fa, vharuwa vha da vha mu takula vha yo mu dzudza, a disendeka nga Abrahamu (Lukasi 16:22). Ipfi li ri, Zwenezwo nda pfa ipfi li bvaho tadulu li tshi ri, "awala u ri; Vha na mashudu vhane u bva zwino vha fa vhe vha Mune washu!" Muya a bvumela a ri, "Ndi zwone! A vha tsha do shuma vha dinetisa, vha vho do awela. Na mishumo yavho i a vha fhelekedza." (Nzumb 14:13).

ṬHUTHUWEDZO YA U FHEDZISELA

Asizwo-ha, muvhali mufuniwa, ngavhe Mudzimu a tshi u ṅea-vho mbilu i mu funaho unga Ene a tshi funa iwe. Ene u ri, Vhuelela ha Nṅe nga mbilu yoṭhe. (Dotoron 30:2). Nṅedza Yesu mbilu yau yo netaho, yo ṭovhowaho, Ene u ḁo u ṅea mbilu ntswa na mihumbulo miswa. U songo tenda u funzedzwa nga mbilu yau ya kale, ngauri Bivhili i ri, A hu na na tshithu tshine muthu a ri o tshi ḁa tsha mu kumadza. Tshine tsha mu kumadza ndi tshine tsha bva khae (Markosi 7:21). Laṭa vhutshinyi hau u ite zwi re zwone, ngauri Malamba a vhutshinyi ndi lufu, tshifhiwa tshine Mudzimu a ri ṅea ndi vhutshilo vhu sa fheli nga Khristo Yesu Muṅe washu (Rom 6:23).

Inwi-vho no no ḁikumedzaho Mudzimu, Maipfi e na pfa ṅe ndi tshi amba ni ite one tsumbo ya pfunzo kwayo, ni tevhedze one nga lutendo na lufuno lwo fanelaho vha re vha Khristo Yesu (2 Tim 1:13). Ndi zwenezwo zwe zwa ita uri Paulo a ṅwale a ri, Ndi zwine nda khou

tambudzwa nga u rali. Naho zwo ralo a thi shoni, we nda mu fulufhela ndi a mu divha; nahone ndi na ngoho ya uri u na maanda a u vhulunga zwe a nkumedza u swika divha line a do vhuya ngalo (2 Tim 1:12). Aluwa kha lutendo, u rabele nga maanda a Muya Mukhethwa, u si bve kha lufuno lwa Mudzimu, wo zedza Yesu a re Ene ndila na mafhungongoho na vhutshilo, Mune washu u do vhuya hu si kale, a tshi da u dzhia vhana vhawe. Ane a do ita uri a vhonele nga tshifhinga tsho fanelaho ndi Mudzimu murendwa, Ene Muvhusi e ethe, Khosi ya mahosi, Ene Mune wa vhone (1 Tim 6:15).

Thendo dzashu nga dzi swikiswe ha Mudzimu nga Yesu Khristo Mune washu. Mudzimu u kona u ni vhulunga uri ni si khukhulwe a vhuve a ni imise phanda hawe na vhona vhugala hawe ni vhathu vha sa solisei, ni tshi pembela nga dakalo. Ndi Ene Mudzimu e ethe; ndi Ene Mutshidzi washu nga Yesu Khristo Mune washu. Vhugala ndi hawe, na vhuhulu, na maanda, tsha kale na kale shango li sa athu vha

hone, na zwino, na lini na lini! Amen
(Judasi 24 na 25).

Copyright ANGP

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de www.angp-hb.co.za ou comme une Application "Heart of Man" sur téléphones Android.

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, à l'école du dimanche ou lors de réunions de plein air. Soyez aimable de nous contacter pour assurer les derniers prix en cours du tableau.

As 10 imagens do coração, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coração podem ser obtidos com características Europeias e Africanas e podem ser usados em conjunção com o mesmo livro em classes de ensino bíblico, evangelização ou ao ar livre. Agradecemos que nos contacte-se para confirmação do último preço dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre littérature, nous informant de la langue dans laquelle vous pouvez traduire cette littérature évangélique. Votre aide sera beaucoup appréciée.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traduções de nossa literatura em outras línguas. Vossa assistência será muito apreciável.

Se tem encontrado a salvação em Cristo, ou se tem sido abençoado por intermédio da nossa literatura evangélica, faça o favor de nos informar. Pois nos gostaríamos de agradecer a Deus juntamente convosco, e lembrá-lo sempre em nossas orações.

For free Gospel literature, books and tracts in over 538 languages, write to:

Pour obtenir gratuitement de la littérature evangelique, des livres et des traites en plus de 538 langues, ecrivez a:

Para obter gratuftamente a literatura evangelica, livros e folhetos em mais de 538 lnguas diferentes escreva para:

www.angp-hb.co.za

info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations

Une Mission de littérature evangelique financee de dons

Missao de literatura Evangelica financiada por donativos

(Reg. No. 1961/001798/08)

The “HEART OF MAN” books can be viewed and downloaded using the following link:

www.angp-hb.co.za